

MAGBATASAN SA PAGPAHIMULOS NI CRISTO NGA KAHUY SA KINABUHI

Mensahe 2

Ang Duha ka Kahoy ug ang Duha ka Prinsipyo sa Pagkinabuhi

Basahong Kasulatan: Gen. 2:9; Heb. 4:12; 1 Cor. 2:14-15; Rom. 8:4, 6; Efe. 4:18-19; 2 Cor. 11:3

I. Ang duha ka kahoy sa Genesis 2:9—ang kahoy sa kinabuhi ug ang kahoy sa kahibalo sa maayo ug daotan—nagrepresentar sa duha ka prinsipyo sa pagkinabuhi:

- A. Nagpakita ang duha ka kahoy nga makakinabuhi ang Cristohanon sumala sa duha ka prinsipyo—sa prinsipyo sa husto ug sayop o sa prinsipyo sa kinabuhi—1 Cor. 8:1.
- B. Walay kalabotan sa prinsipyo sa husto ug sayop, sa prinsipyo sa maayo ug daotan, ang pagka-Cristohanon; may kalabotan hinuon kini sa kinabuhi—1 Juan 5:11-13, 20.
- C. Sa nadawat nato si Ginoong Jesus ug nakabaton og bag-ong kinabuhi, nabatohan nato ang usa pa ka prinsipyo sa pagkinabuhi—ang prinsipyo sa kinabuhi; kon dili ta masayod ning prinsipyoha, ipadaplin nato ang prinsipyo sa kinabuhi ug mosunod sa prinsipyo sa husto ug sayop.
- D. Ang pagka-Cristohanon dili kalabot sa pagpangutana kon husto o sayop ba ang usa ka butang; may kalabotan kini sa pagsusi sa kinabuhi sa sulod nato kon duna na tay buhaton—Rom. 8:6; Efe. 4:18-19.

II. Gibasi sa kinabuhi sa sulod ang Cristohanong kinabuhi nato, dili sa dayag nga sukdanan sa husto ug sayop; sulodnon ang prinsipyo sa pagkinabuhi nato imbis nga dayag:

- A. Kon nagkinabuhi ta sa prinsipyo sa husto ug sayop, sama ra ta sa mga tawo sa kalibotan—v. 17.
- B. Dili desisyonan sa dayag nga sukdanan ang husto ug sayop kondili sa kinabuhi sa sulod.
- C. Dili ang tanang daotan ray likayan nato kondili ang tanan sab nga maayo lang:
 1. Ang naggikan ra sa kinabuhi ang mabuhat sa mga Cristohanon; dunay daotang mga butang, maayong mga butang, ug mga butang nga iya sa kinabuhi—Juan 1:4; 10:10; 1 Juan 2:25; 5:13.
 2. Sa Genesis 2:9 giusa ang “maayo ug daotan” ingog usa ka paagi, samtang usa pa ka paagi ang “kinabuhi.”
 3. Dunay sukdanang habog pa sa sukdanan sa maayo; kini ang sukdanan sa kinabuhi—Juan 11:25; 1 Juan 5:11-12.
 4. Nagtagad ang sukdanan sa Cristohanong pagkinabuhi dili lang sa daotang mga butang kondili sa maayo ug husto sab nga mga butang.
 5. Daghang butang nga husto segun sa tawhanong mga sukdanan, apan gi-pahayag kini nga sayop sa diosnong sukdanan tungod kay kulang kini sa diosnong kinabuhi.
- D. Gibasi sa kinabuhi sa sulod ang Cristohanong pagkinabuhi—Rom. 8:2, 6, 10-11:
 1. Wala gyod untay Cristohanong motino og bisan unsa nga bulag sa kinabuhi—1 Juan 5:13.
 2. Husto ang tanang makapadugang sa kinabuhi sa sulod, ug sayop ang tanang makapakunhod sa kinabuhi sa sulod.

3. Ang dalan nato mao ang kinabuhi sa Dios, dili ang husto ug sayop; dako kaayo ang kalainan ning duha ka prinsipyo, ug dako kaayo ang panagkalahi dinhi.
4. Ang usa ka pangutanang ipangutana gyod nato mao kini: mosaka/mouswag o mapukan/mokunhod ba ang diosnong kinabuhi sa sulod nato; kini gyod unta ang motino sa dalan nga lakwan nato.
5. Gisugo ta sa Dios nga tagbawon ang diosnong kinabuhi; buhaton gyod nato ang mga butang sa paagi nga makatagbaw sa kinabuhing gihatag sa Dios kanato—Juan 1:4; 3:15.
6. Isip mga Cristohanon, dili lang nga maghinulsol gyod ta atubangan sa Dios tungod sa mga sala nga nabuhat nato; makadaghan nga maghinulsol gyod ta atubangan sa Dios tungod sa maayong mga butang nga nabuhat nato.
7. Ang prinsipyo sa pagkinabuhi nato dili man paghatag og kalainan sa maayo ug daotan; moduol gyod ta atubangan sa Dios aron matino kon unsay iya sa kinabuhi ug unsay iya sa kamatayon—Rom. 8:6; 1 Juan 3:14.

III. Kon buot tang magkinabuhi sumala sa prinsipyo sa kinabuhi, kinahanglan maila nato ang espiritu gikan sa kalag ug makaila ta sa espiritu—Heb. 4:12; 1 Cor. 2:14-15:

- A. Nagkinabuhi, nagpuyo, nagbuhat, ug naglihok sulod sa atong espiritu ang Ginoo nga Espiritu, ug na-usa ta ka espiritu Kaniya—2 Cor. 3:17; Rom. 8:16; 1 Cor. 6:17:
 1. Kon nagtinguha ta nga praktikal nga makaila sa Ginoo ug makasinati Niya sa adlaw-adlaw natong kinabuhi, kat-onan gyod nato nga makaila sa atong espiritu—2:14-15.
 2. Kon wala ta makaila sa tawhanong espiritu nato, dili ta makasabot sa paglihok sa Dios sa sulod nato ug dili ta makasunod sa Ginoo, kay ang Ginoo mao man ang Espiritu nga nagpuyo sulod sa atong espiritu—1 Juan 2:27; 2 Tim. 4:22.
- B. Kinahanglan makaila ta sa kalainan sa atong espiritu ug sa uban pang bahin nato sa sulod—Sal. 51:6; Ezeq. 36:26; 1 Ped. 3:4.
- C. Ang pagbuhat og bisan unsa diha sa atong kalag, husto ba kini o sayop, pagkinabuhi man diha sa daang tawo; busa, dumilian gyod nato ang atong kinabuhi-sa-kalag, ang atong kaugalingon—Mat. 16:24-26.
- D. Mosunod ngani ta sa atong espiritu, nisunod ta sa Ginoo mismo, kay naa man sa atong espiritu ang Ginoo—2 Tim. 4:22; 1 Cor. 6:17.

IV. Aron makakinabuhi sumala sa prinsipyo sa kinabuhi, mosunod gyod ta sa pagbati sa kinabuhi sa sulod—Rom. 8:6; Efe. 4:18-19; Isa. 40:31:

- A. Subjectibo, personal, ug praktikal ang pagbati sa kinabuhi:
 1. Ang pagbati sa kinabuhi sa negatibong bahin mao ang pagbati sa kamatayon—Rom. 8:6a.
 2. Ang pagbati sa kinabuhi sa positibong bahin mao ang pagbati sa kinabuhi ug kalinaw, nga dunay pagbati sa kalig-on, katagbawan, pahulay, kasanag, ug kahayahay—v. 6b.
- B. Ang tinubdan sa pagbati sa kinabuhi mao ang diosnong kinabuhi (Efe. 4:18-19), ang balaod sa kinabuhi (Rom. 8:2), ang Espiritu Santo (v. 11; 1 Juan 2:27), si Cristo nga nagpabilin kanato (Juan 15:4-5), ug ang Dios nga nagbuhat sa sulod nato (Fil. 2:13).
- C. Ang kagamitan sa pagbati sa kinabuhi pagpahibalo man kanato kon nagkinabuhi

ba ta sa natural nga kinabuhi o sa diosnong kinabuhi ug nagkinabuhi ba ta diha sa unod o sa Espiritu—1 Cor. 2:14-15; Rom. 8:8-9; Gal. 5:16-17.

- D. Ang pagtubo sa magtutuo sa kinabuhi nag-agad sa pagtagad niya sa pagbati sa kinabuhi sa sulod—Efe. 4:15; Col. 2:19; 1 Cor. 3:6-7.
- E. Iampo gyod nato ang atong kaugalingon ngadto sa pagbati sa kinabuhi ug magkinabuhi diha sa nagkontrol, naggiya, ug nagmandong elemento niini adlaw-adlaw—Rom. 8:6; Efe. 4:18-19; 1 Juan 2:27.
- F. Labi tang maggawi uyon sa espiritu ug mosunod sa pagbati sa kinabuhi, labi sab tang magkinabuhi sumala sa prinsipyo sa kinabuhi—Rom. 8:4, 6.

V. Kon magkinabuhi ta sumala sa prinsipyo sa kinabuhi, makaila ta sa mga butang dili sumala sa husto ug sayop kondili sumala sa kinabuhi ug kamatayon—2 Cor. 11:3:

- A. Gihatagag gibug-aton sa Ebanghelyo ni Juan ang kamatuoran nga kontra ang kahoy sa kinabuhi sa kahoy sa kahibalo sa maayo ug daotan ug nga dili gyod ta magtagad sa maayo o sa daotan ba kondili sa kinabuhi—4:10-14, 20-21, 23-24; 8:3-9; 9:1-3; 11:20-27.
- B. Ang labing maayong paagi sa pag-ila sa usa ka butang—ang sekreto sa pag-ila—pag-ila man segun sa kinabuhi o kamatayon; makat-on gyod unta ta sa pag-ila sa mga butang pinaagi sa kinabuhi ug kamatayon, isalikway ang bisan unsang pagpamulong nga naghikaw nato sa pagpahimulos kang Cristo nga atong sangkap sa kinabuhi apan modawat sa tinuod nga pagpangalagad sa Ginoo, nga kanunayng maglig-on nato diha sa pagpahimulos kang Cristo nga atong sangkap sa kinabuhi—Rom. 8:6; 2 Cor. 11:3.